

古豐識畧卷二十四

分巡歸綏等處兵備道臣鍾秀

原揀選知縣臣張曾恭紀

人部

駐蹕

明崇禎七年我

太宗文皇帝天聰六年六月親征察哈爾駐蹕歸化城降土默特部眾事見藝文部魏氏源綏服蒙古記又通志載歸化城北有格根漢廟天聰六年太宗文皇帝懸勅諭廟中禁勿侵毀今弗詳其地

古豐識畧

人部卷二十四 駐蹕

國朝康熙三十五年十一月十二日

聖祖仁皇帝親征厄魯特噶爾丹師次歸化城駐蹕崇福寺留綉龍金坐褥一金靠背一金綉枕二于行宮佛樓上留寶弓一張大箭五枝小箭五枝甲冑一副虎皮坐一張豹皮坐二張永鎮山門十二月初七日回鑾駐蹕九龍灣初八日入殺虎口見朔平府志與藝文部魏源所撰

聖祖親征準噶爾記年月不同俟考魏氏記駐蹕凡三次

臣謹按府志以

聖祖仁皇帝駐蹕載入巡幸一門無論本朝

神聖不當與秦漢隋並列即巡幸兩字亦有未安我
聖祖樹生靈塗炭親征虜庭恭讀

御製碑文朕不憚寒暑三臨絕塞為民請命數語夫
豈前代之主無事游觀者所可同日語哉因敬
識駐蹕于巡幸之前并首識我

太宗文皇帝綏服歸化城蒙古存神過化所至謳思
聖

聖相承善繼善述翠華莅止山川為之生色邊境從
而又安往古以來無斯盛也 臣謹識